



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Vita S. Proiecti Arvernorvm Episcopi & martyris, & sociorum eius. Passus est anno Domini 670. sub Childerico secundo Francorum Rege.

urn:nbn:de:hbz:466:1-42667

VITA S. PROIECTI ARVERNORVM

Episcopi & martyris, & sociorum eius. Passus
est anno Domini 670. sub Childerico
secundo Francorum
Rege.

Vide Czf.
Baron. To-
mo 8. Anna.
Eccle.
in & Notat.
Mart. Rom.

Beatus Proiectus claris apud Aruernos ortus
natalibus. parentes habuit Gondolenum at-
que Elidiam; & quidem cum necdum esset,
in lucem editus, cælesti reuelatione indicatum
est, quis quandoque futurus esset. Cum autem na-
tus esset puer sanè elegans, statim primis infantia
annis superatis ad Isiodorenses, literis imbuendus
profectus est. Vbi cum præ cæteris condiscipulis
haud cootemendos in literis progressus fecisset
parentes eum Genesio Archidiacono, postea au-
tem Aruernorum Episcopo, commendarunt. Qui
cum præclaro illum ingenio & spectata indole
prædicum animaduèreret, primò illius fidei
tradidit pecunias: vnde pauperes alebantur. Po-
stea verò maiori accedente eruditione non rarò
suis eum consultationibus adhibuit.

25. Ianuarij
Patria & pa-
rentes eius

Traditur Ge-
nesio Archi-
diacono lite-
ris imbuen-
dus.

Præficitur
Isiodorènsibus

Virtutes
eius.

Porro cum optimis polleret moribus; & incu-
pate vitæ integritate plurimos ad virtutis studiū
excitaret, antistes eum Isiodorensibus præfecit.
Itaque videre licebat eum castitatis studio con-
spicuum, charitate eximium, ieiunijs deditum, &
assiduè rerum diuinarum contemplationi & scri-
pturis lectitandis intentum. Ipsis autem Quadra-
gesimæ diebus, multò attentius pietati & eleemo-
synarum largitati operam nauabat. Vt autem die
quodam, solito plures pauperes ad eum confluxer-
unt; & vir sanctus ex ministro suo duos tantum
aureos superesse intellexit, totum se ad Christi
lesu benignitatem implorandam conuertit, ut
quod

quod indigentibus vltius suppeditare posset largiri dignaretur. Tacitis hæc secum precibus agebat, cum protinus paucissimos illos nummos intra crumenam cælesti benedictione vsque adeo auctos sensit, vt toti ad fores consistenti pauperum cateruæ sufficerent.

Miraculum. Aliquanto deinde tempore euoluto, Felix qui tunc Aruernorum Episcopatum administrabat, Candidinensis cœnobij præfecturam Proiecto de mandauit. Ibi vir sanctus cum tam animarum lu-

**Præficitur
monasterio
Candidinens.**

cræ, quàm ædificiorum structuras in melius prouehendis curaret, parietem domus cuiusdam ruinam minitantem restaurare voluit. Sed cum rimas ex omni parte duxisset, accidit, vt repente ab ipsius fundamentis collapsus, vnum ex operariis miserè oppresserit, suisque ita ruderibus absconderit, vt nemo esset qui non eum suffocatum crederet. Eares virum Dei tam grauius perculit, vt ingentem lachrymarum vim profunderet, & quia de corporis salute desperabat, pro sempiterna animæ eius salute enixè Christum rogauit. Interea iussit vir sanctus, vt amota lapidum congerie, quassatum cadauer ad sepulturam inquireretur. Ecce

**Præclarum
miraculum.**

& incolumis inuentus est, ac si procul ab illa parietis ruina abfuisset. Nemo fuit qui non hoc præclaris sanctissimi Proiecti meritis ascribendum putaret.

Porro Felice Pontifice vita functo, cum maxima pars Cleri populi que in Proiectum propensius esset animis, cuperentque illum habere Antistitem, Archidiaconus ciuitatis illius, Giroaldus, mala cupiditate incensus, contempto Clero, laicorum quorundam vsus consilio, ad cathedram illam largitione sibi aditum parauit, sed non nisi diebus

diebus quadraginta rã male parca perfruitus dignitate, vitam vna cum cathedra perdidit. Rursus igitur Aruerni de eligendo Præsule tractaturi, virum inelytum & Senatori ordinis dignitate nobilem pastorem sibi postularunt. At ille non minus prudens animo, quam opibus potens, noluit temerè eum honoris gradum appetere, sed palam illo se indignum ingennè confessus, hortatus est ciues, vt Proiectum sibi à Rege Pontificem petant. Nec mora. Populus, eius consilij obtemperans, cõmunibus suffragijs, accedente Regis consensu & decreto, Proiectum eligunt. Ille verò magna

Creatur Aſ-
uernorum
Epiſcopus
Proiectus

morum suauitate, & tam admirabili virtutum omnium splendore commissum sibi munus administrabat, vt populus manus in cælum tolleret, & immensas Deo gratias ageret, quod talem Ecclesia Pontificem haberet.

Inciderat quandoque negocium, cuius causa adeundus esset viro Dei Childericus Rex. In ipso ipso autem itinere cum peruenisset ad locum, qui Claroangis dicitur, in Marago, & apud Christi milites monasticæ vitæ studio claros, Patrem monasterij, Marinum febre diuexatum inuenisset, mox ad solita pietatis se arma recipiens, edito in agrotum Crucis signo, febrem fugauit, & Marinum incolumè reddidit. Deindè postquam apud Regem negocia sua ex animi sententia peregisset, & multis insuper affectus honorib. ad Aruernos rediisset, Marinus cùm charitatis studio, tum multò magis occulto quodã diuinę prouidentię consilio inuitatus, Aruernos similiter ad Proiectum profectus est: credo sanè vt illi qui magno inter se amore deuincti, magna que beneuolentia erant coniuncti, pariter etiam martyrij coronam perciperent.

Is est Childericus: regnauitque circa aunnũ Dom. 668.

Sanat febricitantem.

Cùm

Cum autem aliquanto tempore sancte & religiosè contractam prius amicitiam stabilivissent, & ex ijs se pietatis operibus ad futura certamina, quæ diuinitus ad maiorem illis gloriam parata erant, præparassent; malignus antiquæ invidia stimulis percitus, suos ministros in eos concitavit. Erat in ijs vir quidam primarius Agritus nomine, qui pestiferis persuasionibus, Aruernorum proceres in sanctorum virorum necem inflammavit. Erant autem pariter Proiectus & Marinus in loco quodam, quem Volonicum appellauit. Ibi in eos simul irruit nefarij cum fremitu & clangore tubarum. Quo audito Marinus ut furorem eorum leniret foras egredi voluit. Id ubi sensit Proiectus eum compefcuit, dicens, Noli ò pater oblitum martirij differre coronam, qua si modo non poteris, nunquam fortassis postea consequeris. His auditis, ille mutata sententia substitit, & à duobus sicarijs magna vi irruentibus mortem constantè excepit. Et illi quidem sanguinarij Proiectum se trucidasse putantes, ad suos lati regredi parabantur, cum Proiectus his vocibus eos compellere cepit. Quo fugitis? ecce quem quærebatis, hic est: facite quod optatis.

Marinus
necatur.

Astor. 7.

Proiecto cerebrum cum
vita excutitur.

Tum verò vnus ex ijs natione Saxo, Radebertus nomine, furibunda mente irruens, magna vi gladium in pectus eius adegit; At ille rostra sui sanguinis vnda perfusus, sublatis ad cælum oculis insita pietate, exemplo Stephani, Dominum precabatur, ne illis hoc peccatum statueret. Eo autem sic precante, cruentus latro gladium in caput eius vibrans, cerebrum excussit; atque ita sancta illa anima corporeis soluta vinculis ad cælum migrauit.

Haud procul aberant, cum hæc cædes fieret, fratres

natores duo, Bodo & Placidus, qui in sancti viri necem confenserant, Ij de improviso tres conspexerunt stellas mirabili fulgore supra domum illam, in qua sanctorum corpora iacebant, micantes, & quibus vna cæteras claritate anteibat. Illi visis stellis ingenti timore correpti, dolere cœperunt, quod in tam nefarium facinus confensissent. Porro scelestus ille Radebertus, qui cædē pisā parauerat, viuis à vermibus consumptus, indignam vitam digna morte finiuit. Aduenerunt autem paulo pōst multi presbyteri, qui sanctorum corpora Proiecti, Marini, & Elidij, (qui vnus ex Proiecti ministris simul cum illo occubuerat) digno honore excipientes, tumularunt. Vt vero Deus ostenderet, quàm pretiosa esset in conspectu suo mors sanctorum, ad sacras illorum reliquias cæcis amissa lumina reddebat, claudorum gressus reformabat, leprosis natiuum colorem, absterisa fœditissima scabie, restituēbat, dæmones ab obsessis corporibus fugabat: & omnibus denique quavis calamitate oppressis, cælestem benignè consolationem præbebat.

Quidam ex illis, qui necis sanctorum auctores fuerat, Vrsio nomine, venationis ergo obequitans, humi corruit, fractoque brachio, cætera etiam membra tam grauitè collisit, vt nulla medicorum arte sanari possent. Ille igitur salutis consequendæ desperatione fractus, facinus suum agnouit, & communicato cum vxore consilio, eam ad sancti viri sepulchrum misit, vt ipsi veniam precaretur, & de oleo, quod perpetuo illic lumine lampadem fouet, quidpiam reportaret, vt debilia membra illo peruncta sanitatem reciperēt. Quibus ritè peractis, dicto citius membra sunt pristino restituta vigori. *Hoc statim cum celebri*

Ff

admo-

Vrsio diuina in scartum.

Miracula ad sanctorum reliquias.

admodum rumore divulgatum esset, reliqui qui sceleris commissi participes fuerant, ad poenitentiam remedia confugerunt: & auro argentoque sanctorum martyrum sepulchra exornarunt.

Vide Caf.
Baron in
Notatio.
Martyr Rō.

VITA S. POPPONIS ABBATIS ST. A-
bulensis, ex ea qua est fidelissimè per Euerhelmum
Abbatem Altimontensem scripta. Claruit autem hic
Sanctus, sub Henrico Imperatore & eius successore
Conrado. Obijt verò Anno Incarnati
Verbi 1048. Aetatis suae.
septuagesimo.

29. Ianuarij.
Patria & pa-
rentes eius.
Na scitur mē-
se 7. a conce-
ptu.

BEATVS Poppo in Listrogaugij partibus oriundus, Christianus admodum & ingenij parentibus, patre Tizekino, matre verò Adalwiniformina illustrissima, natus, septimo conceptionis suae mense, praeter solita nascentium tempora, hac luce est potitus. Pater eius cum esset militaris gloriae supra modum appetens, & praecleara saepe in bello facinora edidisset, tandem in Hispaniensi bello viribus & audacia omnibus admirandus occubuit, filiumque quinta natiuitatis suae septimana cum matre vidua pupillum reliquit. Is autem vt primum adolescentiae florem attingit, coepit eadem, qua olim pater eius, gloriae cupiditate flagrare, atque eius insitens veltigij, intrepide sese in quoduis periculum inferre, vt militaris gloriae palmam cunctis praeriperet, & patrum maiorum virtute gloriae patrimonium adaugeret. Sed cum paulatim omnem mundi huius gloriam vanam esse consideraret, quodque multi ea ipsa in pestem & exitium sempiternum ruerent, coepit pedem retrahere: & animum sub militari gloria ad ardentissimum pietatis studium adijcere.

Pater eius
moritur,
Dat se mili-
tiz;

Legitur